

四方志叢書·華中地方·第八八二號

據

清·黃永綸、楊錫齡等纂修
清道光四年刊本

影印

江 西 省

寧都直隸州志

(五)

成文出版社有限公司印行

寧都直隸州志卷二十一

廣德劉 丙

纂輯

太平梁樓鸞

名宦志

寧都州

王揆字孔度湖廣黃岡人唐泰和六年令虔化有才識築

子城鑿濠池建廨舍創始之功居多祀名宦祠

辛酉志顧郡志通志

周章字仁績

明老志作章仁績誤

五代顯德中令虔化增葺子城為

防禦計

明老志通志

按隋開皇中併寧都入虔化為一縣至宋紹興復改虔

化爲寧都通志載知寧都縣疑誤

李寰字畿卿彬州桂陽人宋紹興二十六年知縣事興利除弊時梅江無梁涉者患之寰作橋以濟民爭趨役將代猶夙夜董勸畢役而後行父老感德構祠橋東祀之廬陵楊萬里爲之記祀名宦祠

辛酉志領都志通志

廖謙字仲益湖廣衡陽人宋嘉定七年知縣事增置學田三十二畝以資餽廩

田今不可考

後簡貳郢州祀名宦祠

辛酉志領

郡志

魏泌字深甫浙江常山人宋嘉定九年知縣事捐俸七十萬緡購山八十畝贖學躬勤課校人文蔚起建梅江石梁

二百餘丈民不告勞公愛學呂麗澤朱子之門祀名宦祠
辛酉志 贛郡志通志

林光裔福建三山人宋嘉定十二年知縣事周知民隱舉
行荒政邑俗多溺女光裔儲米爲舉子倉積俸爲舉子錢
貧民生女者鄉里以聞先給錢五百米五斗幾產母閉戶
抱女至庭驗視月給米三斗至週歲而止數年間全活甚

衆祀名宦祠

辛酉志 贛郡志通志

彭鉉字仲節臨江清江人宋嘉定十六年知縣事繕城衛
民置田贍學捐俸修橋纂輯縣志尋直文華閣後出知贛
州蠲逋負二十萬著有臨川可否錄備兵錄祀名宦祠

趙紉夫福建三山人宋紹定四年以贛尉攝縣事時石城寇黃元仲僭號狂逞紉夫亟葺城注濠爲守禦計賊圍城紉夫登臺射之稍退率兵逐北擒元仲轡於市明年歸職父老磨石紀其功端平二年升知縣事遷學修城建覲樓置器仗增述邑志能聲益著祀名宦祠

辛酉志 贛郡志 通志

趙時儋紉夫從子宋景定元年知縣事先是礪下賊廖四猖獗勢將逼城儋在道聞警單騎疾馳入城選募義丁禦賊勸諭富民出資以給兵食與戰賊大敗斬渠魁謝通縱火盡焚賊砦見平寇錄祀名宦祠

辛酉志 贛郡志 通志

札忽兒及河西人元至元二十年任縣尹有善政十民

歌祀名宦祠 辛酉志

達實蒙古人元素定中任縣尹蒞官廉明時盜賊所在嘯聚而境內獨恃以安田賦浮額民久不便實奏免虛糧五百餘石庸調征輸視舊輕省民立碑頌德至正中升潁州路達魯花赤祀名宦祠 辛酉志潁郡志通志

粘合大本字彥中河南人元至順二年任州同知勵學勸農加強植弱威惠並行捐俸賑荒民賴以活秩滿去民不忍捨爲樹德政碑祀名宦祠 辛酉志潁郡志

莊濟翁福建永春人明洪武四年知縣事以教化爲先每

朔望召諸生畢集庠序聽講恤貧均賦勸豪猾修陂塘設
津梁升員外郎去人懷其惠於縣後署築思莊臺祀名宦
祠 辛酉志 贛郡志 通志明 一統志

朱伯齡浙江金華人明洪武二十八年主簿時陂陽平陽敗

諸鄉爲流寇殘破田野荒蕪里甲代輸賦役不勝苦累伯
齡爲疏免至今民懷其惠祀名宦祠 辛酉志

陶瑾字叔瑜浙江臨海人明永樂十年訓導端矩度嚴教
條尤工詩文爲邑人士所仰慕卒於官遂隸籍門人陳僉
事璉隸縣爲誌墓厚恤其家祀名宦祠 辛酉志

周昂字時舉廣東曲江人明正統十一年由舉人知縣事

持廉秉公勸農興學戊辰開寇如茂七倡亂陷石城瑞金
二縣昂預爲武備寇至率縣丞田華督勇壯與賊戰於東
龍斬俘多人追敗之於上谿又敗之於白玉賊遁去叙功
升本府通判仍掌縣事尋改思恩府祀名宦祠

辛酉志前
郡志通志

平世用字德充四川內江進士明宏治十五年知縣事興
學校葺城濬池均庸調愼刑獄盜寇盜政績昭然丁艱去

後升監察御史祀名宦祠

辛酉志

蔡夔廣西南寧人明宏治十八年由舉人知縣事居官清
苦勾攝以木皂隸訟者自抱至庭毋敢是清浮賾均隱沒
田豪右莫敢犯驅殺巨寇逃及鄰邑丁艱去後任安遠縣

祀名宦祠 辛酉志節錄順郡志通志

王天與字性之廣東興寧人明正德九年進士十一年知縣事廉介果敏能任繁劇尤加意造士徙學崇福寺址工費萬金一時尚義者樂輸恐後均庸調輯流移卹孤嫠扶良鋤虐偷盜賭博者必榜其門舊俗民困於賦役多散居山砦天與招徠撫集乃盡歸城特疏於朝爲蠲浮糧一千六百石丙子從王文成公平橫水剝頭桶岡龍川諸寨有功升俸二級己卯從討宸濠冒暑疾作卒於軍祀名宦祠 辛酉志順郡志通志

秦行賓字體觀福建侯官人明正德十二年以舉人任教

論有學行先是條教稍嚴實至嚴立樂獲申飭備至三日
一試無間寒暑諸生敬憚邑父兄咸樂得嚴師自是文風
丕振協贊邑令王天與徙建學校尤竭心力任二年丁艱
去後升國子監助教祀名宦祠 辛酉志

廖廷臣字景葵廣東順德人明正德十五年以舉人任教
諭性嚴毅引繩揭執率身先之師模屹立一時從講習者
咸畏而愛焉升光澤縣知縣祀名宦祠 辛酉志

陳大綸字伯言廣西南寧人明嘉靖八年進士嘗受學於
陽明先生十一年知縣事咨詢民間利病亟爲興除導民
建陽明祠創小學社學命塾師教童子歌詩習禮朔望面

試時加獎賞民俗爲之一變升戶部主事祀名宦祠辛酉
郡志通志

張輻字士衡浙江山陰人明嘉靖十四年進士二十五年
以刑科給事中擢知縣事慈祥惇大嘗舉孝行節烈於朝
以勵頽俗有古循良風升南昌府同知歷按察副使祀名
宦祠辛酉志
輻郡志

潘翊浙江錢塘人明嘉靖二十九年以舉人知縣事才識
敏練優於治劇初縣無驛遞過客夫馬責之民間翊立官
船官馬不擾於民時有罹法者托吏餽金翊嚴拒寘於法
升沅州知州祀名宦祠辛酉志
輻郡志

崔栢番禺人明嘉靖舉人初任建昌訓導有作人之譽學
使推主白鹿洞書院三十五年擢知縣事刑名精熟奸吏
咸畏服持身清介秋毫不染去任士民思之祀名宦祠

志

吳朝相廣西貴縣人明嘉靖三十五年以舉人授教諭學
識明達每接生徒講論亶亶諸生有婚喪不能舉者輒捐
俸資助知縣陳文信改建文明門朝相贊輔之力居多升
竹山縣知縣祀名宦祠

辛酉志顧郡志三十五年郡志作
三十九年署教諭

王光蘊浙江永嘉人明萬曆二十二年由舉人知縣事刑
清訟簡專務德化倡修邑志允協公評案牘之暇與士大

夫倡和詩歌上官交薦陞寧國同知祀名宦祠

辛酉志
贛縣志

張學書廣西修仁人明萬曆二十六年以拔貢知縣事禮士愛民不畏強禦禁錮偷竊路不拾遺核奸胥私領差折置之法自是邑少逋賦祀名宦祠

辛酉志

林挺廣東南海人明萬曆三十一年以拔貢知縣事愷悌廉平聽訟未嘗操切民咸悅服申請西城龍興寺仍改爲學不費官帑以義倡率創建規制大備祀名宦祠

辛酉志

游鳳翔福建莆田人明萬曆三十五年以舉人知縣事公廉明敏不寄耳目剖決如流先是民以運漕交兌爲害鳳翔捐俸倡建交兌倉於省城民感德附立生祠其中祀名

宦祠 辛酉志

顧居仁四川華陽人明萬厯四十二年以進士知縣事嚴肅精明執法不撓性淡泊不苟取嘗與士大夫言門以內宜嚴門以外宜寬庶奸胥震懼小民蒙惠捐俸置產贍學市義塚以助貧裁酌二運水脚永爲民便調廬陵去日士民遮道泣送祀名宦祠 辛酉志

李廷龍廣東順德人明天啟四年以進士知縣事廉已愛民造廬禮士家鬻荔枝山以供官用官署所藏東帖數箱外無有也明季有司請德無玷者推廷龍爲最升吏部文選司祀名宦祠 辛酉志 順德志

宋必達字其在湖廣黃岡人順治十八年進士康熙七年

知縣事甘淡薄以興咻其民爲務清泰懷德二鄉人罹寇

焚民多流徙必達請盡蠲遺賦以徠之得漸次開墾甲寅

滇逆部將韓大任兵犯吉安虔屬震恐營將欲發兵堵禦

必達曰民不知兵而戰是毆之亂也乃倣王文成公保甲

法簡習義勇團練約束經歲得勝兵千餘汀州賊奄至縣

境必達揮義勇擊之賊大敗夜遁祀名宦祠

辛酉志領鄉志通志

萬厥生字天若江南武進人康熙十四年以副榜知縣事

初下車減徵稅耗羨一薪一粟不取諸民三逆變起賊黨

潛伏吉汀間賊生踵前令宋必達鄉勇制訓練民兵開墾
內外節制森嚴防協兵弁懾其威無敢動亂丁巳韓大任
寬入縣境知賊生有備不敢犯城既而郡兵與省會兵集
數月相持供億浩大賊生多方支應民得不病明年解組
僑寓縣囊無餘資士民羣資給之祀名宦祠

辛酉志顧郡志通志

鄭昌齡蘭谿人雍正十一年以舉人知縣事在任十一年
百廢具興修邑志清濠池疏環玉陂修雙洲尤加意學
校籌設公產爲諸生每屆鄉試卷貲一時文教振興乾隆
元年丙辰州人登賢書者六人二年丁巳成進士者六人
至今歌誦皆昌齡作養造就之功

甘玉麟蕪湖人乾隆三十四年以舉人知州事風勵學者
務令文行並重諸生中有篤行著稱及詩文可採錄者輒
獎以銀牌上鐫讀書立品四字然絕不濫予故州人士寶
其所贈各以貽其子孫蓮花山居民私挖煤窖戕地脈玉
麟力禁挖煤窖害遂止山背屬雩都界雩都民復私挖煤
窖玉麟行文雩都申明功令並出示嚴禁永遠遵行三
十九年州大水拊循備至不至成災又念梅江經大水後
溪沙壅塞貽害田廬令民間沿溪種竹樹阻遏沙土勿使
入谿值升任去所植樹砍伐殆盡至今人猶惜其善政之

朱竟